



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

De Bullæ huius mutatione. Cap. VI.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

dist. 22. quæst. 2. artic. 3. conclus. 5. lib. 4. ait Bullam huiusmodi antiquam non esse, sed anno 1420. sub Martino Quinto publicari ceptam esse, idem sensisse videtur Nauarr. in ca. ita quorundam. nota. 1. 1. nu. 23. de iudæ. & Iacob. de Graff. lib. 4. decis. cal. consc. capit. 18. nume. 3. Hanc opinionem reprobatur Ioã. Bapt. Antonucius in Catechesi Neapolitana lib. 3. capit. 1. in fine. Et hoc ob eam rationem, quoniã ante Martinum Quintum Clementinæ constitutiones a Clemente Quinto late emanarunt, in quibus Bullæ huius mentio fit, vt habetur in Clemen. 1. iunct. Gloss. in ver. Solemnes, & in verb. Generales de iud. ibi enim mentionem facit Clemens V. solemnium dierum, in quibus Romani Pontifices processus generales facere consueuerunt. Gloss. igitur hæc interpretans ait hos dies esse diem iouis hebdomadæ sanctæ, & diem Ascensionis, & diem dedicationis Basilicarum Petri, & Pauli. Processus autem generales hos esse contra hæreticos, eorum credentes, & contra portantes Sarracenis merces, & contra huiusmodi. Ex quibus uerbis Glo. apparet Bullam hanc ante Martinum promulgari consueuisse, nam Clemens V. Clementinarum auctor fuit anno 1305. Martinus V. vero anno 1417. vt habetur in Cathalogo Romanorum Pont. nuper impresso.

¶ **I** Quod ergo concludendum. ¶ Ego sic distinguendum censeo. Aut

quærimus, an casus, qui in Bulla sunt, a iure antiquo prohibiti sint, & multos prohibitos sine dubitatione fuisse concludendum est, vt de hæreticis habetur in ca. excommunicamus. 1. & 2. de hæretic. in antiq. de deferentibus ad hostes prohibita. in ca. ita quorundam. de iudæ. de romipetis in ca. si quis romipetas. 24. quæst. 3. de aliis in capit. si quis suadente diabolo. 17. quæst. 4. & in cap. quoniam, de immunit. Eccl. lib. 6. Aut quærimus, quando per Bullam, & per litteras huiusmodi prohiberi ceperunt, & multo post id factum fuisse censeo, sed quo tempore, a nemine pro certo habetur, vt ex dictis patet. Et sanè, quod quæstio hæc parum utilitatis affert, ob eam rem non grauis iactura fit, si id ignoretur, atque idcirco de hoc satis, ad alia transeamus.

De Bullæ huius mutatione.

Cap. VI.

S V M M A.

I Bulla hæc aliquando, sed in paucis mutatur.

I **Q**uinta quæstio est ¶ an Bulla hæc mutetur. i. an casus alii ad eam addantur, ex eave, qui sunt, ammoveantur. Et in hac quæstione breuiter concludendum est, quoniam in arbitrio Romani Pontif. id positum est, pro temporum ratione, ac rerum necessi-

A 4 tate

rate in aliquibus, aliquando mutari, & ad eam etiam aliquid aliquando addi, vt id conspici potest ex Bulla Gregorii xiiij. quam interpretatur Nauarr. in Man. cap. 27. nu. 54. quæ in aliquibus non conuenit cum Bulla Clementis VIII. quam interpretandam nos sumptimus, quamuis in pluribus temper conueniat, vt colligitur ex eisdem Bullis, & ex Bulla Pauli i r r. quam refert Rebuff. in Prax. benef. vbi eam declarat, & probatur in extrauag. Et si dominici gregis. de peniten. Hæc autem sunt ea, quæ pertinent ad hæreticos, ad libertatem Ecclesiasticam, & id generis. Quare interpretatio vnius & ad aliarum cognitionem pertinet. Et de quæstione hac itidem satis.

De Bulla hac, an sit lex, vel sententia.
Cap. VII.

S V M M A.

I Censuræ latæ per hanc Bullam an sint a iure, vel ab homine.

Sexta quæstio est, † an excommunicationes, & censuræ per hanc Bullam latæ ab homine, a iure sint, Felicianus Episcopus Scalensis in Enchiridio de excommunicatione c. 16. & Mart. Alf. de Viuald. in Candelabro pa. 2. in explicatione huius Bullæ in §. volentes, a iure ipsas esse existimant. Primo, quoniam mortuo Ro-

mano Pontifici. non extinguuntur, sed durant, donec alii processus fiant, vt habetur in Bulla, ergo a lege sunt, nam legislatoris morte leges non extinguuntur. c. fi. de off. leg. & l. leges, & constitutiones, C. de le. Hæc ratio mihi non quadrat, nam Bulla hæc non sua natura perpetua est, sed quoniam id Pontifex cauit; id quod hinc patet, quoniam ante Pium V. extinguebatur cum ipso Romano Pontifice, sed ipse deinceps, & alii successores, quo in officio fideles Christiani continerentur, & vt post mortem duraret, sanxerunt, non igitur ratio hæc quicquam facit. Secundo probatur horum opinio hac ratione, Bulla hæc respicit futurum tempus, contra enim eos censure fert, qui delicta per ipsam prohibita fecerint, at in futurum prospicere proprium legis est, cap. cognoscentes, & c. fi. de consti. sententia vero non vtiq; ergo Bulla hæc lex, & non sententia est. Hæc ratio etiam mihi non probatur, nec vera est, nã generales sententiæ pro futuris etiam feruntur, vbi ratio id suadet, arg. c. a nobis, c. de sent. excom. & ca. Romana. §. caueant. eo. lib. 6. & vt id asseruit Couar. in c. alma. p. 1. §. 10. num. 1. in fin. de sent. excom. lib. 6. vbi ait ita fore nisi vsu, & praxi iã diu inductū esse, vt excommunicationes generales ab homine pro futuris culpis ferri possint, neque ratio igitur hæc quicquam facit. Tertio probatur horum sententia, quoniam excōica

tiones